



SEBAHAGIAN penuntut matrikulasi dan pelajar sekolah yang menyertai program Matres di Universiti Malaysia Pahang, Kuantan, baru-baru ini.

VM (Helokampur) Klu9/2/l ms26

Matres tingkat pemahaman bioteknologi, kejuruteraan

KUANTAN 8 Feb. — Lebih 100 penuntut matrikulasi dan pelajar sekolah sekitar daerah ini berkampung di Universiti Malaysia Pahang (UMP) bagi mengikuti seminar Kejuruteraan Kimia (Matres '11) bertujuan meningkatkan pemahaman dalam bidang bioteknologi dan kejuruteraan kimia baru-baru ini.

Program selama tiga hari itu anjuran Persatuan Mahasiswa Fakulti Kejuruteraan Kimia dan Sumber Asli (CHEST) dengan kerjasama Jabatan Hal Ehwal Pelajar dan Alumni (JHEPA).

Seminar itu yang diadakan di Dewa Astaka UMP itu dirasmikan oleh Timbalan Pengarah Bahagian Matrikulasi, Awang Hambali Awang Hamdan.

Hadir sama, Dekan Fakulti Kejuruteraan Kimia dan Sumber Asli (FKKSA), Prof. Madya Zulkafli Hasan.

Peserta turut berpeluang mendengar taklimat mengenai bidang kejuruteraan yang ditawarkan di universiti itu oleh Timbalan Dekan (Akademik) Fakulti Kejuruteraan Kimia dan Sumber Asli (FKKSA), Dr. Che Ku Mohammad Faizal Che Ku Yahya, Timbalan Dekan (Akademik & Hal Ehwal Pelajar), Fakulti Kejuruteraan Awam dan Sumber Alam (FKASA), Prof. Madya Ir. Adnan Zulkiple dan Ketua Program FKKSA, Dr. Syed Mohd. Saufi Tuan Chik.

Zulkafli berkata, seminar bertemakan Kejuruteraan Kimia Untuk Pengalaman Di dunia itu bertujuan memberi pendedahan kepada peserta mengenai kepentingan bioteknologi dalam kehidupan seharian.

"Ia juga sebagai usaha menambah minat pelajar mendalami bidang bioteknologi dengan memberi gambaran dan sumber rujukan yang jelas agar mereka lebih mudah faham terhadap bidang itu," katanya.

Menurut Awang Hambali, program sedemikian amat digalakkan untuk memupuk minat pelajar terhadap jurusan kejuruteraan kimia.

"Terdapat segelintir pelajar yang gagal menyambung pengajian ke menara gading kerana memilih kursus yang tidak sesuai dengan kelayakan mereka," katanya semasa merasmikan program itu di Dewan Astaka, baru-baru ini.

Sementara itu, seorang peserta, Nurul Hafizah Sarimon, 18, dari Kolej Matrikulasi Melaka berkata, dia gembira kerana berpeluang mengikuti seminar yang banyak memberi pengetahuan baru mengenai bioteknologi.

Selain itu, katanya, dia tidak menyangka dapat melihat sendiri kemudahan makmal UMP yang terbesar di Pantai Timur.